

cludit perfectionem, quam etiam causa formaliter conu-
nere debet. Minor per se clara est nec indiget probatione.

§. 11. Quamobrem nihil curamus Anthropomor-
phitas; nec vanitatem quorundam Judæorum, quam
opinionem fuisse notat Hieronymus in cap. LXVI. Esa.
DEUM unô concludi locô, Templo nimirum Hierosoly-
mitauo; nec Averrois incogitantiam, qui *Disp. Met. XIV.*
dub. ult. puerose esse dixit & ordinem causarum atque cau-
torum destruere, quotquot, ubique DEUM esse, remque
omnem tangere, persuasum habent; nec Augustinum Eu-
gub. qui in Ps. CXXXIX. verba: *si ascendero in cælum, tu illic*
es: scripsit, DEUM essentiâ suâ tantum in cælo, cognitio-
ne verò in rebus & locis hisce inferioribus esse, sicut Sol il-
luminatione suâ; nec denique rudem & impium Vorstium
Belgam, in *Lib. de DEO & Attrib. div.*

§. 12. Verum enim verò contra hanc sententiam mul-
ta solent objici, & quidem (1.) Quod divinæ naturæ magis
appareat consonum, ut ipsa in cælo maneat, nec se immi-
sceat inferioribus, iis præprimis, quæ adire DEUM minus
esset honestum ac necessarium. Vide Esa. 66. 1. Psal. 2. 4.
Matth. 6. 10. Rem declarant à simili à Regibus Persiæ de-
sumtô, quæ magna in pompâ aut Susis aut Ecbatanis reside-
bant ac rarò se dabant conspiciendos, per famulos potiùs &
emissarios omnia dirigentes. Resp. Scripturam dicere qui-
dem DEUM in cælo esse, at verò non dicit, DEUM tan-
tùm in cælo esse, imò oppositum potiùs significat, dum ter-
ram dicit esse scabellum pedum ejus; quô ipsô significat præ-
sentiam Dei in terris. Quod autem Scriptura frequentius
dicit, DEUM in cælo esse, id ex eâ ratione fieri censendum,
quia DEUS primarios de cælo producit effectus & de eô fre-
quentiùs se manifestavit; quippe cum cælum locus divinæ
Majestati dignior & apparitionibus divinis congruentior.
Et fa-